

Sakspapir

Saksbehandlar	Arkiv	ArkivsakID
Anny Bastesen	FA - M88	17/2798

Saksnr	Utvalg	Type	Dato
135/2017	Formannskapet	PS	29.11.2017
	Kommunestyret	PS	

Feie- og tilsynsgebyr 2018

Saksopplysningar:

Bakgrunn

Feietenesta inngår i den felles brannordninga for Lindås og Meland. Avtalen er heimla i brann- og eksplosjonsvernlova § 9. Fastsetting og innkreving av feie- og tilsynsgebyr er unnateke avtalen med Lindås (jf sak KS-017/12, møte 08.02.2012). Meland må derfor fastsetje og krevje inn gebyret frå grunneigarane, og overføre summen til Lindås.

Summen som skal overførast går fram av Lindås sitt budsjett for feietenesta, der andelen for Meland er stipulert. Summen er auka med kr 292 000,- frå budsjett 2017 til budsjett 2018. Dette er ein større auke enn tidlegare; frå rekneskap 2016 til budsjett 2017 auka t.d. summen med kr 115 155,-.

Auken heng saman med ny forskrift om brannførebygging, gjeldande frå 1. januar 2016. Då vart kommunen si plikt til å feie og gjennomføre risikobasert tilsyn utvida til å gjelde for hytter / fritidsbustader også. Feietenesta har kartlagt alle hytter og fritidsbustader i begge kommunane, og alle einingane er no lagt inn i tilsynsregisteret. Sjølv feie- og tilsynstenesta for hytter / fritidsbustader er sett i gang i 2017, etter at kartleggingsarbeidet var ferdig. Ved siste termin i 2017 vart gebyret for hytter / fritidsbustader fakturert ut. Frå 2018 vil desse følgje dei ordinære rutineane for kommunale avgifter.

Tenesta følgjer sjølvkostprinsippet. Den nye ordninga medfører auka driftsutgifter for å ivareta feie- og tilsynsplikta. Tenesta er lik i Lindås og Meland, og innbyggjarane blir behandla likt. All saksbehandling av søknader om fritak mm blir behandla i Lindås.

Sidan ordninga med hytter og fritidsbustader er ny, har ikkje rådmannen nok erfaringsgrunnlag til å vurdere om avgiftsnivået bør hevast eller senkast, eller om det bør differensierast meir. Den administrative leiinga i dei to kommunane har kome fram til at avgiftsnivået bør vere stabilt i tre år, til ein får erfaring med tenestenivået og faktisk feie-/tilsynsbehov.

Meland får avrekning ved årsskiftet, i høve til faktisk aktivitet. Dersom kommunen sit igjen med eit overskot, vil det bli ført på fond og ført tilbake til innbyggjarane komande år. Innbyggjarane vil såleis ikkje måtta betale meir enn dei skal over tid. Pr i dag er det ikkje noko feie-fond, alt tidlegare overskot er betalt tilbake til innbyggjarane ved årleg justering av avgiftene.

Rådmannen rår til at avgiftsnivået blir halde på same nivå som i 2017. Det er avrekninga ved årsskiftet som avklarar om vurderinga er riktig eller ikkje, men det er sannsynleg at det samla kostnadsnivået vil jamne seg ut over åra fram til kommunesamanslåing i 2020. Eventuelt for mykje innbetalte avgifter i 2017 vil bli overført og jamne ut auka kostnader i 2018. Budsjettet legg derfor opp til noko underfakturering av avgiftene i 2018.

	2013	2014	2015	2016	2017	Budsj 2018
Tal piper bustader, stk	2353	2372	2397	2421	2436	2450
Tal piper hytter, stk					814	800
Endring frå året før, stk	+82	+19	+25	+24	+15 +814	0
Overføring til Lindås i alt	853 928,-	840 013,-	934 720,-	1 048 845,-	1 164 000,-	1 456 153,-
Adm.kostn. Meland	20 000,-	23 000,-	25 000,-	2 436,-	23 000,-	23 000,-
Innbetalte avgifter i alt	904 662,-	921 856,-	947 695,-	958 622	1 387 552,-	1 387 552,-
Gebyr pr pipe	385,-	385,-	390,-	390,-	420,-	420,-
Gebyr pr ekstra pipeløp	130,-	130,-	130,-	130,-	147,75	147,75-

Vurdering

Ved fastsetting av feie- og tilsynsavgifta for 2017 (jf sak KS-117/2016, møte 14.12.2016) ba kommunestyret om at delegasjonsavtalen og samarbeidsavtalen mellom Lindås og Meland vart vurdert endra, slik at innkreving av avgiftene også vart delegert til Lindås. Dette på bakgrunn av tidlegare års samrådsmøte i dei to kommunane. Det har vore fleire møte om dette mellom administrativ leiing i dei to kommunane i 2017, men konklusjonen er at dette er det vanskeleg å få til no. Det skuldast i hovudsak at Lindås først må bygge ned sitt eige fond innan feietenesta. Det skal gjennomførast i 2018 og 2019. Meland må derfor framleis sende ut desse fakturaene, og dei administrative kostnadene til dette må dekkjast inn, fram til Alver kommune er etablert.

Ved å halde avgifta i ro er framlegg til feie- og tilsynsgebyr for 2018 tilnærma likt i dei tre kommunane som går inn i Alver frå 2020, med mindre Lindås startar ei større nedbygging av fondet sitt i 2018.

Folkehelse: Ikkje relevant for denne saka

Miljø: Ikkje relevant for denne saka

Økonomi: Framlegg til feie- og tilsynsgebyr tek utgangspunkt i at inntektene skal dekke det tenesta kostar, medrekna evt. fondsbruk.

Konklusjon

Feie- og tilsynsgebyret vert halde i ro på kr 420,- eks mva i 2018. Feiing av ekstra pipeløp blir halde i ro på kr 147,75 eks mva.

Framlegg til vedtak:

«Kommunestyret godkjenner at feie- og tilsynsgebyret for 2018 er kr 420,- eks mva pr pipe og kr 147,75 eks mva pr ekstra pipeløp. Vedtaket er fatta med heimel i Lov om vern mot brann, eksplosjon og ulykker med farlig stoff og om brannvesenets redningsoppgaver (brann- og eksplosjonsvernloven) § 28.»

Formannskapet - 135/2017**FS - behandling:****FS – samrøystes framlegg til vedtak:**

«Kommunestyret godkjenner at feie- og tilsynsgebyret for 2018 er kr 420,- eks mva pr pipe og kr 147,75 eks mva pr ekstra pipeløp. Vedtaket er fatta med heimel i Lov om vern mot brann, eksplosjon og ulykker med farlig stoff og om brannvesenets redningsoppgaver (brann- og eksplosjonsvernloven) § 28.»